

OFFERYNNAU STATUDOL CYMRU

2003 Rhif 815 (Cy.100)

Y GWASANAETH IECHYD GWLADOL, CYMRU

**Rheoliadau Bwrdd Iechyd Lleol Powys
(Swyddogaethau Ychwanegol) 2003**

Wedi'u gwneud - - 20 Mawrth 2003
Yn dod i rym - - 1 Ebrill 2003

Mae Cynulliad Cenedlaethol Cymru, drwy arfer y pwerau a roddwyd iddo gan adrannau 16BB(2), (3) a (5) a 126(4) o Ddeddf y Gwasanaeth Iechyd Gwladol 1977 (1) drwy hyn yn gwneud y Rheoliadau canlynol:

Enwi, cychwyn a chymhwyso

1. Enw'r Rheoliadau hyn yw Rheoliadau Bwrdd Iechyd Lleol Powys (Swyddogaethau Ychwanegol) 2003 a deuant i rym ar 1 Ebrill 2003 ac maent yn gymwys i Gymru yn unig.

Dehongli

2. Yn y Rheoliadau hyn, onid yw'r cyd-destun yn mynnu fel arall —
- ystyr “y Bwrdd” (“*the Board*”) yw Bwrdd Iechyd Lleol Powys(2)
- ystyr “y dyddiad perthnasol” (“*the relevant date*”) yw 1 Ebrill 2003
- ystyr “y Swyddogaethau Ychwanegol” (“*the Additional Functions*”) yw —
- (a) perchenogaeth a rheolaeth adeiladau a gwasanaethau ysbyty yn Ysbyty Bronllys, Bronllys, Powys LD3 0LU ac ysbytai cysylltiedig(3); a
- (b) rheolaeth gwasanaethau iechyd cymunedol a ddarperir gan Ysbyty Bronllys, Bronllys, Powys, LD3 0LU a pherchenogaeth y tir a'r adeiladau cysylltiedig; ac
- (c) swyddogaethau rheolwyr o dan Ddeddf Iechyd Meddwl 1983(4).

(1) 1977 p.49. Diwygiwyd adran 126(4) gan Ddeddf 1990, adran 65(2) a chan Ddeddf 1999, Atodlen 4, a pharagraff 37(6). Mewnosodwyd adran 16BB gan adran 6 o Ddeddf Diwygio'r Gwasanaeth Iechyd Gwladol a Phroffesiynau Gofal Iechyd 2002 (p.17)

(2) Sefydlwyd o dan adran 16BA(1) o Ddeddf y Gwasanaeth Iechyd Gwladol 1977 gan O.S./2003/148 (Cy.18).

(3) Trosglwyddwyd asedau, hawliau a rhwymedigaethau Ymddiriedolaeth Gofal Iechyd Gwladol Powys i'r Bwrdd gan Orchymyn y Byrddau Iechyd Lleol (Trosglwyddo Eiddo, Hawliau a Rhwymedigaethau) (Cymru) 2003 (O.S. 2003/473 (Cy.63)).

(4) 1983 p.20 (“Deddf 1983”); mae i'r ymadrodd “rheolwyr” yr ystyr a roddir i “managers” gan adran 145(1) o Ddeddf 1983.

Swyddogaethau i'w harfer gan Fwrdd Iechyd Lleol Powys

3. Mae'r Swyddogaethau Ychwanegol i'w harfer gan y Bwrdd o'r dyddiad perthnasol ymlaen.

Llofnodwyd ar ran Cynulliad Cenedlaethol Cymru o dan adran 66(1) o Ddeddf Llywodraeth Cymru 1998(5).

20 Mawrth 2003

John Marek
Dirprwy Lywydd y Cynulliad Cenedlaethol

EXPLANATORY NOTE

(Nid yw'r nodyn hwn yn rhan o'r Rheoliadau)

Rhoddodd Rheoliadau Byrddau Iechyd Lleol (Swyddogaethau) 2003 ([O.S. 2003/150 \(Cy.20\)](#)) swyddogaethau penodedig i Fyrddau Iechyd Lleol a sefydlwyd ar gyfer pob ardal yng Nghymru yn unol ag adran 16BA o Ddeddf y Gwasanaeth Iechyd Gwladol 1977. Mae'r Rheoliadau hyn yn rhoi swyddogaethau ychwanegol i Fwrdd Iechyd Lleol Powys, sef swyddogaethau a gyflawnid gynt gan Ymddiriedolaeth Gofal Iechyd Gwasanaeth Iechyd Gwladol Powys (“yr ymddiriedolaeth”). Diddymwyd yr ymddiriedolaeth gan Orchymyn Ymddiriedolaeth Gofal Iechyd Gwasanaeth Iechyd Gwladol Powys (Diddymu) 2003 ([O.S. 2003/817 \(Cy.102\)](#)).